

**KANTON SARAJEVO  
MINISTARSTVO KULTURE I SPORTA  
JAVNA USTANOVA „MES - MEĐUNARODNI TEATARSKI FESTIVAL –  
SCENA MESS“**

**UPRAVNI ODBOR  
Broj:02-XII-845/21**

**PRAVILNIK  
O IZMJENAMA I DOPUNAMA  
PRAVILNIKA O UNUTRAŠNJOJ ORGANIZACIJI I  
SISTEMATIZACIJI RADNIH MJESTA JAVNE USTANOVE „MES -  
MEĐUNARODNI TEATARSKI FESTIVAL – SCENA MESS“**

**Sarajevo, decembar 2021. godine**

Na osnovu člana 27. stav 1. alineja 6. Zakona o ustanovama („Službene novine Kantona Sarajevo“, br. 6/92, 8/93 i 13/94), člana 118. Zakona o radu („Službene novine FBiH“ 26/16 i 89/18), člana 14. stav (4) Zakona o pravima demobiliziranih branilaca i članova njihovih porodica („Službene novine FBiH“, broj: 54/19), člana 29. stav (1) i (2) Zakona o pozorišnoj djelatnosti („Službene novine Kantona Sarajevo“, broj: 42/13 - Prečišćeni tekst i 6/16), člana 23. Uredbe o postupku prijema u radni odnos u javnom sektoru na teritoriji Kantona Sarajevo („Službene novine Kantona Sarajevo“, broj: 19/21) člana 5. stav (3) Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo“, broj: 37/20), članova 3. i 4. Pravilnika o sticanju i korištenju akademskih titula, stručnih i naučnih zvanja na visokoškolskim ustanovama na području Kantona Sarajevo („Službene novine Kantona Sarajevo“, broj 50/16), Spiska akademskih titula, stručnih i naučnih zvanja koja se mogu sticati na visokoškolskim ustanovama na području Kantona Sarajevo („Službene novine Kantona Sarajevo“, br. 50/16 i 5/18), člana 185. Kolektivnog ugovora za djelatnost kulture u Kantonu Sarajevo („Službene novine Kantona Sarajevo“, broj 52/19 i 5/20), člana 15. a u vezi sa članom 34. Pravila Javne ustanove „MES – Međunarodni teatarski festival – Scena MESS“, (broj: 257/16 od 10.05.2016. godine), člana 10. Odluke o osnivanju Javne ustanove „MES - Međunarodni teatarski festival - Scena MESS“ („Službene novine Kantona Sarajevo“, broj 3/99 - Prečišćeni tekst i broj 31/07, 1/13 i 28/14), Upravni odbor Javne ustanove „MES - Međunarodni teatarski festival – Scena MESS“ na sjednici održanoj 28.12.2021. godine, donio je:

**P R A V I L N I K**  
**O IZMJENI I DOPUNI PRAVILNIKA O UNUTRAŠNJOJ ORGANIZACIJI I**  
**SISTEMATIZACIJI RADNIH MJESTA JAVNE USTANOVE „MES - MEĐUNARODNI**  
**TEATARSKI FESTIVAL - SCENA MESS“**

**Član 1.**

**(Izmjena člana 3.)**

U Pravilniku o unutrašnjoj organizaciji i sistematizaciji radnih mjesta Javne ustanove „MES - Međunarodni teatarski festival – Scena MESS“ (broj: 02-VI-369-1/18 od 13.06.2018. g. i broj: 02-VIII-442-1/19 od 20.08.2019 godine) (u daljem tekstu: Pravilnik) Član 3. Pravilnika mijenja se i glasi:

“Član 3.

(Organizacija rada)

Radi obavljanja poslova u okviru djelatnosti MES-a, polazeći od vrste poslova i potrebe da se na funkcionalnom principu osigura obavljanje srodnih međusobno povezanih poslova, formiraju se tri osnovne organizacione jedinice MES-a, i to:

- a) Samostalna služba Festival MESS
- b) Služba Scena MESS
- c) Tehničko-operativna služba

**Član 2.**  
**(Izmjena člana 10.)**

Član 10. Pravilnika mijenja se i glasi:

"Član 10.

(Komisija za postupak prijema u radni odnos)

- (1) Za provođenje postupka prijema u radni odnos na upražnjena radna mjesta, poslodavac imenuje Komisiju za provođenje postupka prijema u radni odnos (u daljem tekstu: Komisija) iz reda svojih zaposlenika.
- (2) Komisija broji najmanje tri člana i ima neparan broj članova.
- (3) Članovi Komisije moraju imati najmanje isti stepen stručne spreme kao i kandidat za čiji je prijem u radni odnos objavljen javni oglas. Ukoliko poslodavac nema dovoljan broj zaposlenika koji imaju isti stepen stručne spreme kao i kandidat za čiji je prijem u radni odnos objavljen javni oglas, kao članovi Komisije mogu se angažovati i zaposlenici drugih poslodavaca.
- (4) Administrativno - tehničke poslove za Komisiju obavlja sekretar zaposlen kod poslodavca koji provodi postupak prijema u radni odnos.
- (5) U slučaju kada je javni oglas/konkurs objavljen radi popunjavanja više radnih mjesta, poslodavac može imenovati jednu ili više komisija.
- (6) Članovi Komisije u svom radu moraju biti nezavisni i nepristrasni, te se pridržavati načela javnosti i zakonitosti.
- (7) Članovi Komisije i sekretar na konstituirajućoj sjednici Komisije, potpisuju izjavu o nepristrasnosti, povjerljivosti i nepostojanju sukoba interesa, kojom potvrđuju da su upoznati sa obavezom da tokom cijelog postupka rada u Komisiji su dužni prijaviti sukob interesa i tražiti izuzeće iz rada Komisije, iz razloga propisanih u članu 10. stav (1) Uredbe o postupku prijema u radni odnos u javnom sektoru na teritoriji Kantona Sarajevo.
- (8) Komisija je obavezna donijeti poslovnik o radu i dostaviti odgovornom licu kod poslodavca odmah, a najkasnije u roku od tri dana od dana donošenja, a poslodavac je dužan poslovnik objaviti na svojoj web stranici prije isteka roka za prijavu na konkurs i isti se ne može mijenjati u toku trajanja postupka prijema u radni odnos.
- (9) Poslovnik iz stava (8) ovog člana poslodavac je obavezan učiniti dostupnim na svojoj web stranici, od dana objavljivanja javnog oglasa do donošenja odluke o prijemu u radni odnos.
- (10) Poslovnikom se definišu način provođenja pismenog, usmenog, ispita, te kriteriji bodovanja kandidata. Pismeni ispit se može vrednovati sa najmanje 60%, a najviše 70% od ukupnog broja bodova."

**Član 3.**  
**(Izmjena člana 11.)**

Član 11. Pravilnika mijenja se i glasi:

"Član 11.

(Postupak odabira kandidata)

- (1) Poslodavac prima u radni odnos onog kandidata, koji se nalazi na prvom mjestu Liste uspješnih kandidata, a ako on ne prihvati zaposlenje, Poslodavac prima u radni odnos sljedećeg kandidata sa Liste uspješnih kandidata.
- (2) Poslodavac je dužan odluku o prijemu u radni odnos donijeti u roku od tri radna dana od dana prijema Liste uspješnih kandidata.

- (3) Odluka o prijemu u radni odnos ne može biti duža od 30 dana od dana isteka roka za podnošenje prijave.“

**Član 4.**  
**(Dodavanje novog člana)**

Iza člana 11. dodaje se novi član 12. i glasi:

“Član 12.

(Prednost pri zapošljavanju)

- (1) Prilikom zapošljavanja potrebno je dati prednost kandidatima koji po posebnim propisima imaju prioritet u zapošljavanju.
- (2) Prednost pri zapošljavanju osigurava se demobiliziranim braniocima i članovima njihovih porodica u smislu člana 2. i 3. Zakona o pravima demobiliziranih branilaca i članova njihovih porodica,
- (3) Prioritet u zapošljavanju kandidati dokazuju odgovarajućim dokumentima (potvrda, uvjerenje i sl.) koje prilažu prilikom prijave na javni konkurs, odnosno oglas, pozivajući se na poseban propis po kojem imaju prednost.”

**Član 5.**  
**(Izmjena člana 12.)**

Član 12. Pravilnika postaje član 13. se i glasi:

“Član 13.

(Pravo prigovora)

- (1) Poslodavac pismeno obavještava kandidate sa Liste uspješnih kandidata o odluci o prijemu u radni odnos, te kandidate koji nisu na spisku kandidata među kojim se provodi postupak izbora, u roku od pet dana od dana donošenja odluke i uz obavijest dostavlja Listu uspješnih kandidata sa bodovima;
- (2) Na obavijest poslodavca uz koju se dostavlja Lista uspješnih kandidata, zainteresovani kandidat iz stava (1) ovog člana, ima pravo prigovora drugostepenom organu Upravnom odboru J.U. MES, u roku od osam dana od dana dostavljanja obavijesti.
- (3) Drugostepeni organ rješava po prigovoru u roku od 15 dana.
- (4) Odluka drugostepenog organa je konačna i protiv iste nezadovoljni kandidat ima pravo podnošenja tužbe nadležnom sudu u roku od 30 dana od dana dostavljanja ove odluke. ”

**Član 6.**  
**(Izmjena člana 13.)**

Član 13. Pravilnika postaje član 14.

**Član 7.**  
**(Izmjena člana 14.)**

Član 14. Pravilnika postaje član 15.

**Član 8.**  
**(Izmjena člana 15.)**

Član 15. Pravilnika postaje član 16.

**Član 9.**  
**(Izmjena člana 16.)**

Član 16. Pravilnika postaje član 17.

**Član 10.**  
**(Izmjena člana 17.)**

Član 17. Pravilnika postaje član 18. i glasi:

"Član 18.  
(Organizacione jedinice)

Radi obavljanja poslova u okviru djelatnosti MES-a, polazeći od vrste poslova i potrebe da se na funkcionalnom principu osigura obavljanje srodnih međusobno povezanih poslova, formiraju se tri osnovne organizacione jedinice MES-a, i to:

- a) Samostalna služba Festival MESS
- b) Služba Scena MESS
- c) Tehničko-operativna služba"

**Član 11.**  
**(Izmjena člana 18.)**

Član 18. Pravilnika postaje član 19.

**Član 12.**  
**(Izmjena člana 19.)**

Član 19. Pravilnika postaje član 20. i glasi:

"Član 20.  
(Djelokrug poslova i radnih zadataka)

Za svaki organizacioni dio MES-a utvrđuje se djelokrug poslova:

- a) U Samostalnoj službi Festival MESS obavljaju se poslovi koji se odnose na festivalsku djelatnost koja podrazumijeva selekciju, ugošćavanje i razmjenu djela iz oblasti izvedbenih umjetnosti, održavanje radionica, učešće u svjetskim i evropskim festivalskim mrežama, prezentaciju i promociju bosanskohercegovačkih izvedbenih umjetnosti na internacionalnoj sceni s ciljem pružanja gledateljima i teatarskim stručnjacima uvida u savremenu teatarsku produkciju, istovremeno omogućavajući mjesto teatarskim profesionalcima za susret i razmjenu kreativnih ideja za buduće projekte. Festival je međunarodnog karaktera i održava se jednom godišnje.
- b) U Službi Scena MESS obavljaju se poslovi koji se odnose na kreiranje produkcija iz oblasti izvedbenih umjetnosti i njihovu reprezentaciju, u vidu mjesečnog repertoara, kreiranje produkcijske platforme i umrežavanje sa drugim produkcijskim kućama i organizacije drugih kulturnih manifestacija. Svojom djelatnošću pripreme i organizacije, te javnog izvođenja dramskih i muzičko-scenskih djela tokom cijele godine, ostvaruje se interes Osnivača u zadovoljavanju javnih potreba za teatarskom djelatnošću.
- c) U Tehničko-operativnoj službi obavljaju se poslovi koji se odnose na materijalno-finansijsko poslovanje, pravne, personalne i druge administrativno – tehničke poslove MES-a, kao i organizacijski i produkcijski poslovi."

**Član 13.**  
**(Izmjena člana 20.)**

Član 20. Pravilnika postaje član 21. i glasi:

„Član 21.  
(Rukovođenje i organizacija poslova)

- (1) Radom MES-a rukovodi Direktor koji organizira i rukovodi procesom rada i poslovanjem MES-a, te zastupa MES prema trećim osobama u skladu sa ovlaštenjima i ograničenjima upisanim u Registar privrednih subjekata.
- (2) Poslove organizovanja procesa rada u Samostalnoj službi Festival MESS rukovodi Rukovodilac samostalne službe Festival MESS.
- (3) Poslove organizovanja procesa rada u Službi Scena MESS vodi Voditelj Službe Scena MESS.
- (4) Poslove organizovanja procesa rada u Tehničko-operativnoj Službi vodi Voditelj Tehničko-operativne službe.
- (5) Službe MES-a, u cilju ostvarivanja planova i programa MES-a, dužne su međusobno sarađivati, te stručno i na vrijeme izvršavati poslove iz svoje nadležnosti utvrđene ovim Pravilnikom.
- (6) Voditelji službi utvrđeni ovim Pravilnikom organizuju, objedinjuju i usmjeravaju rad službi, odnosno zaposlenih koji im pripadaju, odgovaraju za blagovremeno, zakonito i pravilno obavljanje poslova iz djelokruga službe kojom rukovode, raspoređuju poslove zaposlenicima pružaju im potrebnu stručnu pomoć, te obavljaju najsloženije poslove iz djelokruga Službe kojom rukovode.
- (7) Rukovodilac Samostalne službe za svoj rad i rad službe koju vodi neposredno odgovara Direktor MES-a.
- (8) Voditelji službi za svoj rad i rad službe koju vode, neposredno odgovaraju Direktor MES-a.“

**Član 14.**  
**(Izmjena člana 21.)**

Član 21. Pravilnika postaje član 22.

**Član 15.**  
**(Izmjena člana 22.)**

Član 22. Pravilnika postaje član 23. i glasi:

„Član 23.  
(Rukovodilac samostalne službe Festival MESS)

- (1) Naziv radnog mjesta:** Rukovodilac samostalne službe Festival MESS
- (2) Uslovi za obavljanje posla:**
  - a) VSS (VII stepen stručne spreme), ili završen drugi ili treći ciklus bolonjskog sistema studiranja sa najmanje 300 ECTS bodova, na jednoj od umjetničkih akademija ili filozofskom fakultetu, stečena akademska titula odnosno stručno zvanje magistar za određenu stručnu oblast ili doktor nauka ili doktor umjetnosti,

- b) da ima najmanje 5 (pet) godina radnog iskustva u struci nakon sticanja fakultetske diplome na rukovodno-upravljačkim poslovima iz oblasti kulture i umjetnosti.

**(3) Opis poslova i zadataka:**

- a) u suradnji sa Direktorom Rukovodilac samostalne službe Festival MESS kreira i vodi programske sadržaje, odgovara za selekciju i programsku djelatnost Festivala MESS,
- b) uspostavlja i održava međunarodne kontakte,
- c) djeluje na promociji bosanskohercegovačkih izvedbenih umjetnosti u svijetu,
- d) u suradnji sa direktorom koordinira rad selektora Festivala MESS i predlaže konačni program Festivala,
- e) raspoređuje poslove i zadatke na izvršioce i vrši najsloženije poslove i zadatke iz nadležnosti Službe,
- g) koordinira umjetničke programe Festivala MESS,
- h) planira i predlaže direktoru godišnji umjetnički program,
- i) organizira stručne i edukativne procese u okviru Festivala MESS,
- j) obavlja i druge poslove po nalogu Direktora i za svoj rad odgovara Direktor.

**Posebni uslovi:** aktivno poznavanje i korištenje minimalno jednog svjetskog jezika koje se dokazuje verificiranim dokumentom (diplomom ili drugim validnim dokazom).

**(4) Broj izvršilaca: 1**

**(5) Period na koji se imenuje:** mandatni period od 4 (četiri) godine.“

**Član 16.**

**(Izmjena člana 23.)**

Član 23. Pravilnika postaje član 24. i glasi:

“Član 24.

(Voditelj Službe Scena MES)

**(1) Naziv radnog mjesta:** Voditelj Službe Scena MESS.

**(2) Uslovi za obavljanje posla:**

- a) VSS (VII stepen stručne spreme), ili završen drugi ili treći ciklus bolonjskog sistema studiranja s najmanje 300 ECTS bodova, na jednoj od umjetničkih akademija, filozofskom fakultetu, stečena akademska titula odnosno stručno zvanje, magistar za određenu stručnu oblast.
- b) da ima najmanje 5 (pet) godina radnog iskustva u struci nakon sticanja fakultetske diplome.

**(3) Opis poslova i zadataka:**

- a) vodi programsku djelatnost Službe Scena MESS (produkcija i koprodukcija predstava, Modul Memorije, Biblioteka MESS),
- b) vodi organizacione poslove i produkciju Službe Scena MESS,
- c) raspoređuje poslove i zadatke na izvršioce i vrši najsloženije poslove i zadatke iz nadležnosti Službe,
- d) vodi i sve ostale programske sadržaje Scene MESS (Modul Memorije, Biblioteka MESS),
- e) upravlja budžetom programa Službe Scena MESS, uključujući upravljanje projektima nabavke i osiguravanja razumnog trošenja sredstava projekata,
- f) koordinira umjetničke programe Scene MESS,
- g) organizira stručne i edukativne procese u okviru Scene MESS,
- h) obavlja i druge poslove po nalogu Direktora i za svoj rad odgovara Direktor.

**(4) Posebni uslovi:** aktivno poznavanje i korištenje minimalno jednog svjetskog jezika koje se dokazuje verificiranim dokumentom (diplomom ili drugim validnim dokazom).

**(5) Broj izvršilaca:** 1

**(6) Radni odnos:** Na neodređeno vrijeme.“

**Član 17.  
(Izmjena člana 24.)**

Član 24. Pravilnika postaje član 25. i glasi:

“Član 25.

(Voditelj Tehničko-operativne službe)

**(1) Naziv radnog mjesta:** Voditelj Tehničko-operativne službe

**(2) Uslovi za obavljanje posla:**

a) VSS (VII stepen stručne spreme), ili završen drugi ili treći ciklus bolonjskog sistema studiranja s najmanje 300 ECTS bodova, na jednoj od umjetničkih akademija, fakultetu društvenih nauka, fakultetu humanističkih nauka, stečena akademska titula odnosno stručno zvanje, magistar za određenu stručnu oblast.

b) da ima najmanje 5 (pet) godina radnog iskustva u struci nakon sticanja fakultetske diplome.

**(3) Opis poslova i zadataka:**

a) vođenje Tehničko-operativne službe, raspoređivanje poslova i zadataka na izvršioce i vršenje najsloženijih poslova i zadataka iz nadležnosti službe,

b) poslovi koji se odnose na ugovore sa gostujućim trupama, izvršenje i realizaciju ugovornih obaveza samostalne Službe Festival MESS sa gostujućim trupama, te svim angažiranim u okviru Službe Scena MESS,

c) priprema projekata i projektne dokumentacije J.U. MES-a,

d) upravljanje budžetom projekata J.U. MES, uključujući i upravljanje projektima nabavke i osiguravanja razumnog trošenja sredstava projekata,

e) nadgledanje produkcije tekućih programa MES-a,

f) pronalaženje fondova za finansiranje programa, po odobrenju Direktora,

g) upravljanje rizicima u projektima, uključujući i rizike povezane sa pristupom plaćanja prema rezultatima finansiranja projekata, osiguravanje da svi zainteresovani tačno i pravovremeno budu informisani o statusu projektnih rizika, u bilo kom trenutku u toku trajanja samog projekta,

h) obavlja i druge poslove po nalogu Direktora i za svoj rad odgovara Direktor.

**(4) Posebni uslovi:** aktivno poznavanje i korištenje minimalno jednog svjetskog jezika koje se dokazuje verificiranim dokumentom (diplomom ili drugim validnim dokazom).

**(5) Broj izvršilaca:** 1

**(6) Radni odnos:** Na neodređeno vrijeme.“



**Član 18.**  
**(Izmjena člana 25.)**

Član 25. Pravilnika postaje član 26. i glasi:

"Član 26  
(Viši stručni saradnik - organizacioni poslovi  
u Samostalnoj službi Festival MESS)

- (1) Naziv radnog mjesta:** Viši stručni saradnik – organizacioni poslovi u Samostalnoj službi Festival MESS
- (2) Uslovi za obavljanje posla:**
  - a) VSS (VII stepen stručne spreme) ili završen drugi ili treći ciklus bolonjskog sistema studiranja sa najmanje 300 ECTS bodova, na jednoj od umjetničkih akademija, fakultetu društvenih nauka ili fakultetu humanističkih nauka, stečena akademska titula odnosno stručno zvanje magistar za određenu stručnu oblast.
  - b) da ima najmanje 5 (pet) godina radnog staža u struci na organizacionim poslovima nakon sticanja fakultetske diplome.
- (3) Opis poslova i zadataka:**
  - a) koordinacija organizacionih poslova na projektima iz svih oblasti festivalske djelatnosti,
  - b) organizacioni poslovi u vezi sa smještajem i boravkom gostiju Javne ustanove MES,
  - c) organizacioni poslovi koji se odnose na transport scenografije, kao i dolazak i odlazak učesnika Festivala MESS i drugih gostiju (prijevoz carinski dokumenti, vize i dr.),
  - d) organizovanje i planiranje pratećih aktivnosti za goste,
  - e) organiziranje i planiranje voznog rasporeda u periodu održavanja festivala i svi poslovi u vezi sa transportnim poslovima ustanove,
  - f) organizovanje i planiranje rasporeda hostesa u toku Festivala,
  - g) za svoj rad odgovara Rukovodiocu samostalne službe Festival MESS i Direktor, u
  - h) po nalogu Direktora, obavlja i druge poslove koji su vezani za poslovanje Javne ustanove MES.
- (4) Posebni uslovi:** aktivno poznavanje i korištenje minimalno jednog svjetskog jezika koje se dokazuje verificiranim dokumentom (diplomom ili drugim validnim dokazom).
- (5) Broj izvršilaca: 1"**

**Član 19.**  
**(Izmjena člana 26.)**

Član 26. Pravilnika postaje član 27. i glasi:

"Član 27.  
(Viši stručni saradnik za program  
u Samostalnoj službi Festival MESS)

- (1) Naziv radnog mjesta:** Viši stručni saradnik za program u Samostalnoj službi Festival MESS
- (2) Uslovi za obavljanje posla:**
  - a) VSS (VII stepen stručne spreme) ili završen drugi ili treći ciklus bolonjskog sistema studiranja, ostvarenih najmanje 300 ECTS bodova, na jednoj od umjetničkih

- akademija, fakultetu društvenih nauka ili fakultetu humanističkih nauka, stečena akademska titula odnosno stručno zvanje magistar za određenu stručnu oblast,
- b) da ima najmanje 5 (pet) godina radnog staža u struci nakon sticanja fakultetske diplome na istim ili sličnim poslovima.

**(3) Opis poslova i zadataka:**

- a) obavlja poslove programskog menadžera i koordinatora Samostalne službe Festivala MESS,
- b) programska odgovornost za realizaciju utvrđenih programa Samostalne službe Festivala MESS,
- c) vodi izvršnu produkciju projekata Samostalne službe Festivala MESS ,
- d) komunikacija sa trupama i autorima iz regije i svijeta u realizaciji ugovora i ugovornih obaveza Samostalne službe Festivala MESS,
- e) produkcija projekata Festivala MESS (predstave, izložbe, forumi, radionice, dodjele nagrada),
- f) koordinaciju između angažiranih umjetnika i angažiranog tehničkog osoblja pri realizaciji Festivala MESS,
- g) za svoj rad odgovara Rukovodiocu samostalne službe Festivala MESS i Direktoru,
- h) po nalogu Direktora, obavlja i druge poslove koji su vezani za poslovanje Javne ustanove MES.

**(4) Posebni uslovi:** aktivno poznavanje i korištenje minimalno jednog svjetskog jezika koje se dokazuje verificiranim dokumentom (diplomom ili drugim validnim dokazom).

**(5) Broj izvršilaca: 1"**

**Član 20.**

**(Izmjena člana 27.)**

Član 27. Pravilnika postaje član 28. i glasi:

**"Član 28.**

(Stručni saradnik za organizaciju  
u Samostalnoj službi Festival MESS)

**(1) Naziv radnog mjesta:** Stručni saradnik za organizaciju u Samostalnoj službi Festival MESS

**(2) Uslovi za obavljanje posla:**

- a) VSS (VII stepen stručne spreme) ili završen prvi, drugi ili treći ciklus bolonjskog sistema studiranja, ostvarenih najmanje 180 ili 240 ECTS bodova, na jednoj od umjetničkih akademija, fakultetu društvenih nauka ili fakultetu humanističkih nauka, stečena akademska titula odnosno stručno zvanje Bakalaureat/Bachelor za određenu stručnu oblast, magistar za određenu stručnu oblast.
- b) da ima najmanje 1 (jedna) godina radnog staža u struci nakon sticanja fakultetske diplome na istim ili sličnim poslovima.

**(3) Opis poslova i zadataka:**

- a) poslovi asistenta produkcije i programskog menadžera Festivala MESS,
- b) poslovi koordinacije Festivala MESS,
- c) komunikacija sa teatarskim trupama iz regije i svijeta, te realizacija njihovih gostovanja na Festivalu MESS,
- d) koordinira prateće sadržaje Festivala MESS,
- e) organizacijsko - tehnička podrška selektorima Festivala,
- f) uređivanje i lektorisanje festivalskih publikacija,
- g) komunikacija sa medijima i organiziranje press odjela,
- h) vođenje i održavanje poslovnih profila na društvenim mrežama,
- i) za svoj rad odgovara Rukovodiocu samostalne službe Festival MESS i Direktoru,

- j) obavlja i druge poslove po nalogu Rukovodioca samostalne službe Festival MESS i Direktora,
  - k) po nalogu Direktora, obavlja i druge poslove koji su vezani za poslovanje Javne ustanove MES.
- (4) Posebni uslovi:** aktivno poznavanje i korištenje minimalno jednog svjetskog jezika koje se dokazuje verificiranim dokumentom (diplomom ili drugim validnim dokazom),
- (5) Broj izvršilaca: 1"**

**Član 21.  
(Izmjena člana 28.)**

Član 28. Pravilnika postaje član 29. i glasi:

"Član 29.  
(Stručni saradnik za organizaciju  
u Službi Scena MESS)

- (1) Naziv radnog mjesta:** Stručni saradnik za organizaciju u Službi Scena MESS,
- (2) Uslovi za obavljanje posla:**
- a) VSS (VII stepen stručne spreme) ili završen prvi, drugi ili treći ciklus bolonjskog sistema studiranja, ostvarenih najmanje 180 ili 240 ECTS bodova, na jednoj od umjetničkih akademija, fakultetu društvenih nauka ili fakultetu humanističkih nauka, stečena akademska titula odnosno stručno zvanje Bakalaureat/Bachelor za određenu stručnu oblast, magistar za određenu stručnu oblast.
  - b) da ima najmanje 1 (jedna) godinu radnog staža u struci nakon sticanja fakultetske diplome na istim ili sličnim poslovima.
- (3) Opis poslova i zadataka:**
- a) poslovi asistenta produkcije Scene MESS,
  - b) poslovi koordinacije Scene MESS,
  - c) komunikacija sa teatarskim trupama iz regije i svijeta, te realizacija njihovih gostovanja na programu Scene MESS,
  - d) koordinira sa gostujućim glumcima o njihovim slobodnim terminima za naredni mjesec,
  - e) koordinira prateće sadržaje Scene MESS,
  - f) organizacijsko - tehnička podrška produkcijskim timovima Scene MESS,
  - g) uređivanje i lektorisanje publikacija Scene MESS,
  - h) komunikacija sa medijima i organiziranje press odjela,
  - i) vođenje i održavanje poslovnih profila na društvenim mrežama,
  - j) za svoj rad odgovara Voditelju Službe Scena MESS i Direktoru,
  - k) po nalogu Direktora, obavlja i druge poslove koji su vezani za poslovanje Javne ustanove MES.
- (4) Posebni uslovi:** aktivno poznavanje i korištenje minimalno jednog svjetskog jezika koje se dokazuje verificiranim dokumentom (diplomom ili drugim validnim dokazom).
- (5) Broj izvršilaca: 1"**

**Član 22.  
(Izmjena člana 29.)**

Član 29. Pravilnika postaje član 30. i glasi:

„Član 30.

(Stručni saradnik za dokumentovanu građu  
u Službi Scena MESS)

**(1) Naziv radnog mjesta:** Stručni saradnik za dokumentovanu građu u Službi Scena MESS,

**(2) Uslovi za obavljanje posla:**

- a) VSS (VII stepen stručne spreme), ili završen prvi, drugi ili treći ciklus bolonjskog sistema studiranja, ostvareni najmanje 180 ili 240 ECTS bodova, na Akademiji likovnih umjetnosti, stečena akademska titula odnosno stručno zvanje Bakalaureat/Bachelor za određenu stručnu oblast, magistar za određenu stručnu oblast,
- b) da ima najmanje 1 (jednu) godinu radnog staža u struci nakon sticanja fakultetske diplome,
- c) da ima najmanje 2 (dvije) godina radnog iskustva istim ili sličnim poslovima.

**(3) Opis poslova i zadataka:**

- a) koordinira svom vizuelnom, grafičkom i informatičkom djelatnošću Službe Scena MESS,
- b) kreativno osmišljava grafička rješenja u vizuelnim i funkcionalnom smislu, primarno u području marketinga (kreiranje reklamnih poruka, video i zvučnih zapisa, te aktivnih formulara za interakciju/komunikaciju),
- c) samostalno pripremanje, dizajniranje i izrada sadržaja za web, publiciranje istih sadržaja na web stranicu i server ustanove,
- d) pokriva područje rada od grafičkog dizajna/ilustratorskog rada, grafičkih rješenja i pripreme za štampu,
- e) uređuje i vizuelno kreira programske biltene, programske knjižice, plakate i afiše programskih jedinica Službe Scena MESS,
- f) uređuje i odgovara za video produkciju koja promovira programe Službe Scena MESS,
- g) snimanje i obrada slikovnih zapisa pomoću digitalne opreme (digitalna oprema i skeniranje),
- h) stvaranje digitalnih crteža, ilustracija, fotomanipulacija,
- i) obavlja i druge poslove po nalogu Direktora i za svoj rad odgovara Voditelju Službe Scena MESS i Direktoru,
- j) po nalogu Direktora, obavlja i druge poslove koji su vezani za poslovanje Javne ustanove MES.

**(4) Posebni uslovi:** aktivno poznavanje i korištenje minimalno jednog svjetskog jezika koje se dokazuje verificiranim dokumentom (diplomom ili drugim validnim dokazom).

**(5) Broj izvršilaca:** 1“

**Član 23.**  
**(Izmjena člana 30.)**

Član 30. Pravilnika postaje član 31.

**Član 24.**  
**(Izmjena člana 31.)**

Član 31. Pravilnika postaje član 32.

## Član 25.

### (Dodavanje novog člana)

Iza člana 32. Pravilnika dodaje se član 33. koji glasi:

## “Član 33.

(Stručni saradnik za pravne poslove)

**(1) Naziv radnog mjesta:** Stručni saradnik za pravne poslove

**(2) Uslovi za obavljanje posla:**

- a) VSS (VII stepen stručne spreme), ili završen prvi, drugi ili treći ciklus bolonjskog sistema studiranja, ostvareni najmanje 240 ECTS bodova, na Pravnom fakultetu, stečena akademska titula odnosno stručno zvanje Bakalaureat/Bachelor prava, magistar prava;
- b) da ima najmanje 1 (jednu) godinu radnog staža u struci nakon sticanja fakultetske diplome.

**(3) Opis poslova i zadataka:**

- a) Radni odnosi (prijave i odjave radnika i izrada svih pravnih akata kojima se reguliše radno pravni status),
  - b) Provođenje postupaka javnih nabavki od pokretanja postupka do realizacije Ugovora;
  - c) Zastupanje Ustanove u postupcima pred sudovima (izrada tužbi, odgovora na tužbe),
  - d) Korespodencija i saradnja sa nadležnim organima, stručnim službama, ustanovama, pravnim subjektima, lokalnom zajednicom i ostalim fizičkim i pravnim licima,
  - e) Izrada prijedloga pravnih akata (pravilnika, odluka, rješenja, zaključaka),
  - f) pružanje stručne pomoći pri zaključivanju obligacionih ugovora u cilju ostvarivanju prava i zaštite interesa Ustanove,
  - g) uređivanje imovinsko - pravnih odnosa,
  - h) pružanje stručne pomoći organima upravljanja u odlučivanju i priprema svih materijala za sjednice Upravnog odbora;
  - i) pružanje stručne pomoći radnicima u pogledu ostvarivanja prava iz radnog odnosa,
  - j) praćenje zakonskih propisa i usklađivanje opštih akata,
  - k) praćenje i preduzimanje svih stručnih radnji u vezi registrovanja statusnih promjena u J.U.MES i upisa u sudski registar,
  - l) izrada evidencija o radnicima i drugim licima angažovanim na radu,
  - m) drugi poslovi i radni zadaci po nalogu Direktora.
- (5) Posebni uslovi:** aktivno poznavanje i korištenje minimalno jednog svjetskog jezika i poznavanje rada na računaru. Ovaj uslov dokazuje verificiranim dokumentom (diplomom ili drugim validnim dokazom)
- (6) Broj izvršilaca: 1“**

## Član 26.

### (Dodavanje novog člana)

(1) Iza člana član 33. Pravilnika dodaje se član 34. i glasi:

## “Član 34.

(Program menadžer u Službi Scene MESS)

**(1) Naziv radnog mjesta:** Program menadžer u Službi Scena MESS

**(2) Uslovi za obavljanje posla:**

- (1) srednja stručna sprema, gimnazija (IV stepen stručne spreme) društvenog ili tehničkog smjera,
- (2) najmanje šest (6) mjeseci radnog staža nakon završetka srednje škole,
- (3) najmanje tri (3) godine radnog iskustva na istim ili sličnim poslovima poslovima.

**(3) Opis poslova i zadataka:**

- a) obavlja sve administrativno-tehničke i organizatorske poslove za J.U. MES prema nalogima i uputstvima Voditelja službe Scena MESS;
  - b) dostavlja naloge sa osnovnim elementima potrebnim za izradu autorskih i izvođačkih ugovora;
  - c) pravi izvještaj o obavljenim poslovima po osnovu autorskog, izvođačkog ili ugovora o djelu;
  - d) izrađuje izvještaje o izvedenim repriznim predstavama Scene MESS u umjetničkom i finansijskom smislu;
  - e) izrađuje finansijski obračun troškova repriznog i premijernog izvođenja predstava sa tekućeg repertoara
  - f) izrađuje izvještaje o svim ostalim programima Scene MESS u umjetničkom i finansijskom smislu
  - g) učestvuje u obavljanju poslova planiranja, ugovaranja i organizovanja svih programskih sadržaja Scene MESS i J.U. MES.
  - h) obavlja i sve druge poslove u okviru djelokruga svoga rada po nalogima Rukovodioca samostalne Službe Festival MESS i Voditelja Službi Scena MESS i Voditelja Tehničko-operativne službe;
  - i) obavlja i druge poslove po nalogu Direktora i za svoj rad odgovara Direktoru.
- (4) Posebni uslovi:** izražene organizatorske sposobnosti, poznavanje procesa realizacije predstava i svih ostalih programa i projekata, poznavanje poslova operatora na računaru, poznavanje engleskog jezika.
- (5) Broj izvršilaca: 1.”**

**Član 27.  
(Izmjena člana 32.)**

Član 32. Pravilnika postaje član 35.

**Član 28.  
(Izmjena člana 33.)**

Član 33. Pravilnika postaje član 36. i glasi:

**„Član 36.  
(Pripravnici)**


- (1) Pripravnik se može primiti putem konkursa u cilju njegovog osamostaljivanja za rad.
- (2) Pripravnikom se smatra lice koje prvi put zasniva radni odnos u struci za koju se školovao, a radi stručnog osposobljavanja za samostalan rad.
- (3) Pripravnički staž traje:
  - šest mjeseci za pripravnike koji su završili SSS ili VŠS
  - 12 mjeseci za pripravnike koji su završili prvi ili drugi ciklus studija po Bolonjskom sistemu studiranja ili studij kojim je stežena viša ili cisoka stručna sprema po propisima koji su bili na snazi prije stupanja na snagu Zakona o visokom obrazovanju („Službene novine Kantona Sarajevo“, broj 33/17).

- (4) Sa pripravnikom se zaključuje Ugovor o radu na određeno vrijeme i to:
  - na šest mjeseci za poslove za koje se traži srednja ili visoka stručna sprema;
  - na period od jedne godine za poslove visoke stručne spreme.
- (5) Pripravniku za vrijeme trajanja pripravničkog staža, pripada osnovna plaća platnog razreda odgovarajućeg stepena za grupu poslova na koje je primljen u radni odnos na određeno vrijeme, umanjena za 20%.
- (6) Pripravnik mora imati mentora, te dobiti plan i program obučavanja.
- (7) Ukoliko posebnim propisom nije utvrđen način obavljanja pripravničkog staža i polaganja stručnog ispita isti će se utvrditi u Ugovoru o radu.
- (8) Nakon završetka pripravničkog staža, pripravnik polaže stručni ispit pred komisijom u skladu sa odgovarajućim propisima.
- (9) O položenom stručnom ispitu pripravniku se izdaje uvjerenje.

**Član 29.**  
**(Izmjena člana 34.)**

Član 34. Pravilnika postaje član 37. i glasi:

„Član 37.  
(Organizaciona šema)



**Član 30.**  
**(Izmjena člana 35.)**

Član 35. Pravilnika postaje član 38.

**Član 31.**  
**(Izmjena člana 36.)**

Član 36. Pravilnika postaje član 39.

**Član 32.**  
**(Izmjena člana 37.)**

Član 37. Pravilnika postaje član 40.

**Član 33.**  
**(Izmjena člana 38.)**

Član 38. Pravilnika postaje član 41.

**Član 34.**  
**(Izmjena člana 39.)**

Član 39. Pravilnika postaje član 42. i glasi:

**“Član 42.**  
**(Stupanje na snagu)**

- (1) Ovaj Pravilnik stupa na snagu danom dobijanja sagasnosti Vlade Kantona Sarajevo.
- (2) Pravilnik će se objaviti u "Službenim novinama Kantona Sarajevo", na oglasnoj ploči i web stranici Javne ustanove „MES – Međunarodni teatarski festival – Scena MESS“.

Broj: 02-XII-845/21  
Sarajevo, 28.12.2021. godine

PREDSJEDNICA  
UPRAVNOG ODBORA



Lejla Hodžić



## PRILOG

### Pravilnika o izmjenama i dopunama Pravilnika o unutrašnjoj organizaciji i sistematizaciji radnih mjesta J.U. „MES - Međunarodni teatarski festival - Scena MESS“

- Tabelarno iskazan pregled radnih mjesta (po organizacionim jedinicama)

- Popunjena radna mjesta

R.br	Naziv radnog mjesta u skladu sa Sporazumom	Vrsta stručne spreme	Broj izvršilaca	Platni razred iz Kolektivnog ugovora	Koeficijent iz Kolektivnog ugovora
1.	Direktor	VSS	1	III	5,60
2.	Stručni savjetnik za finansijsko – računovodstvene poslove	VSS	1	IX	4,30
3.	Viši stručni saradnik za program u Samostalnoj službi Festival MESS	Master	1	XI	4,10
4.	Viši stručni saradnik – organizacioni poslovi u Samostalnoj službi Festival MESS	VSS	1	XI	4,10
5.	Viši stručni saradnik za propagandu	VSS	1	XI	4,10
6.	Stručni saradnik za organizaciju u Samostalnoj službi Festival MESS	Bachelor	1	XIII	3,90
7.	Stručni saradnik za organizaciju u Službi Scena MESS	Bachelor	1	XIII	3,90
8.	Tehnički sekretar J.U. MES	SSS	1	XX	3,00

- Nepopunjena radna mjesta

Rbr	Naziv radnog mjesta u skladu sa Sporazumom	Vrsta stručne spreme	Broj izvršilaca	Platni razred iz Kolektivnog ugovora	Koeficijent iz Kolektivnog ugovora
1.	Rukovodilac Samostalne službe Festival MES	VSS / Master	1	IX	4,50

2.	Voditelj službe Scena MESS	VSS / Master	1	X	4,30
3.	Voditelj Tehničko operativne službe	VSS / Master	1	X	4,30
4.	Stručni saradnik za pravne poslove	VSS / Bachelor	1	X	3,90
5.	Stručni saradnik za dokumentovanu građu u Službi Scena MESS	VSS / Bachelor	1	XIII	3,90
6.	Program menadžer u Službi Scena MESS	SSS	1	XVIII	3,10

## II. NOVI SEKTORI KOJI SE SISTEMATIZUJU I RAZLOZI SISTEMATIZOVANJA

- Ukida se radno mjesto rukovodilac Umjetničkog sektora Festival MESS, a koji se prema važećim Pravilima imenovao na manadatni period od 4 godine;
- Ukida se radno mjesto rukovodilac Umjetničkog sektora Scena MESS, a koji se prema važećim Pravilima imenovao na manadatni period od 4 godine;
- Ukida se radno mjesto rukovodilac Tehničko operativnog sektora, a koji se prema važećim Pravilima imenovao na manadatni period od 4 godine;
- Uvodi se radno mjesto Rukovodilac samostalne službe Festival MESS;
- Uvode se nova radna mjesta Voditelj službe Scena MESS, Voditelj Tehničko operativne službe, Stručni saradnik za pravne poslove, Program menadžer u Službi Scena MESS;
- Radno mjesto Viši stručni saradnik za dokumentovanu građu se zamjenjuje sa radnim mjestom Stručni saradnik za dokumentovanu građu u Službi Scena MESS

Sarajevo, 28.12.2021. godine  
Broj: 02-XII-846/21

Predsjednica Upravnog odbora:  
Leila Hodžić

Dostavljeno:  
1x Vlada Kantona Sarajevo  
1x Ministarstvo kulture i sporta KS  
1x a/a



**J.U. MES**  
**MEĐUNARODNI TEATARSKI FESTIVAL**  
**SCENA MESS**  
**WWW.MESS.BA**

- **UPRAVNI ODBOR**

Na osnovu člana 27. stav 1. alineja 6. Zakona o ustanovama („Službene novine Kantona Sarajevo“, br. 6/92, 8/93 i 13/94), člana 118. Zakona o radu („Službene novine FBiH“ 26/16 i 89/18), člana 14. stav (4) Zakona o pravima demobiliziranih branilaca i članova njihovih porodica („Službene novine FBiH“, broj: 54/19), člana 29. stav (1) i (2) Zakona o pozorišnoj djelatnosti („Službene novine Kantona Sarajevo“, broj: 42/13 - Prečišćeni tekst i 6/16), člana 23. Uredbe o postupku prijema u radni odnos u javnom sektoru na teritoriji Kantona Sarajevo („Službene novine Kantona Sarajevo“, broj: 19/21) člana 5. stav (3) Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo“, broj: 37/20), članova 3. i 4. Pravilnika o sticanju i korištenju akademskih titula, stručnih i naučnih zvanja na visokoškolskim ustanovama na području Kantona Sarajevo („Službene novine Kantona Sarajevo“, broj 50/16), Spiska akademskih titula, stručnih i naučnih zvanja koja se mogu sticati na visokoškolskim ustanovama na području Kantona Sarajevo („Službene novine Kantona Sarajevo“, br. 50/16 i 5/18), člana 185. Kolektivnog ugovora za djelatnost kulture u Kantonu Sarajevo („Službene novine Kantona Sarajevo“, broj 52/19 i 5/20), člana 15. a u vezi sa članom 34. Pravila Javne ustanove „MES – Međunarodni teatarski festival - Scena MESS“, (broj: 257/16 od 10.05.2016. godine), člana 10. Odluke o osnivanju Javne ustanove „MES - Međunarodni teatarski festival - Scena MESS“ („Službene novine Kantona Sarajevo“, broj 3/99 - Prečišćeni tekst i broj 31/07, 1/13 i 28/14), Upravni odbor Javne ustanove „MES - Međunarodni teatarski festival – Scena MESS“ na sjednici održanoj 28.12.2021. godine, donio je:

**Odluka o usvajanju Pravilnika o izmjenama i dopunama  
Pravilnika o unutrašnjoj organizaciji i sistematizaciji radnih mjesta  
JU „MES - Međunarodni teatarski festival - Scena MESS“**

**Član 1.**

Ovom Odlukom usvaja se Pravilnik o izmjenama i dopunama Pravilnika o unutrašnjoj organizaciji i sistematizaciji radnih mjesta J.U „MES - Međunarodni teatarski festival - Scena MESS“ (broj: 02-VI-369-1/18 od 13.06.2018. godine, Izmjene i dopune broj: 02-VIII-442-1/19 od 20.08.2019 godine), a nakon podnesene inicijative i prijedloga Direktora Ustanove za donošenje istog.

**Član 2.**

Pravilnikom o izmjenama i dopunama se vrši izmjena sljedećih članova Pravilnika unutrašnjoj organizaciji i sistematizaciji radnih mjesta J.U „MES - Međunarodni teatarski festival - Scena MESS“ (broj: 02-VI-369-1/18 od 13.06.2018. godine, Izmjene i dopune broj: 02-VIII-442-1/19 od 20.08.2019 godine):

- člana 3., „Organizacija rada“,

- člana 10., "Komisija za prijem radnika",
- člana 11., "Postupak odabira kandidata",
- člana 12., "Pravo prigovora",
- člana 17., „Organizacione jedinice“,
- člana 19., „Djelokrug poslova i radnih zadataka“,
- člana 20., "Rukovođenje",
- člana 22., "Umjetnički rukovodilac Sektora Festival MESS",
- člana 23., "Umjetnički rukovodilac Sektora Scena MESS",
- člana 24., "Rukovodilac Tehničko operativnog sektora - Izvršni producent",
- člana 25., "Viši stručni saradnik - organizacioni poslovi u Umjetničkom sektoru Festival MESS",
- člana 26., "Viši stručni saradnik za program u Umjetničkom sektoru Festival MESS",
- člana 27., "Stručni saradnik za organizaciju u Umjetničkom sektoru Festival MESS",
- člana 28., "Stručni saradnik za organizaciju u Umjetničkom sektoru Scene MESS",
- člana 29., "Viši stručni saradnik za dokumentovanu građu u Umjetničkom sektoru Scena MESS",
- člana 33. "Pripravnici i stručno osposobljavanje",
- člana 34., "Organizaciona šema".
- Pravilnikom se vrši dopuna Pravilnika unutrašnjoj organizaciji i sistematizaciji radnih mjesta J.U "MES - Međunarodniteatarski festival - Scena MESS" (broj: 02-VI-369-1/18 od 13.06.2018. godine, Izmjene i dopune broj: 02-VIII-442-1/19 od 20.08.2019 godine) na način da se:
  - iza člana 11. dodaje novi član 12. „Prednost pri zapošljavanju“;
  - iza člana 31. dodaje se novi član 32. "Stručni saradnik za pravne poslove“;
  - iza člana 32. dodaje se novi član 33. "Program menadžer u Sektoru Scena MESS".

### **Član 3.**

Obavezuje se Direktor ustanove da Pravilnik o izmjenama i dopunama pravilnika o unutrašnjoj organizaciji i sistematizaciji radnih mjesta Javne ustanove „MES-Međunarodni teatarski festival - Scena MESS“ dostavi Ministarstvu kulture i sporta Kantona Sarajevo, a koje će na osnovu člana 16. Zakona o organizaciji i djelokrugu organa uprave i upravnih organizacija Kantona Sarajevo („Službene novine Kantona Sarajevo“, broj: 2/12-Prečišćeni tekst) razmotriti Pravilnik, dati mišljenje, a zatim isti s popratnim materijalom dostaviti Vladi Kantona Sarajevo koja donosi Odluku o davanju Saglasnosti na Pravilnik o izmjenama i dopunama pravilnika o unutrašnjoj organizaciji i sistematizaciji radnih mjesta Javne ustanove „MES-Međunarodni teatarski festival – Scena MESS“ .

### **Član 4.**

- Pravilnik o izmjenama pravilnika o unutrašnjoj organizaciji i sistematizaciji radnih mjesta J.U. „ MES - Međunarodni teatarski festival - Scena MESS“ će stupiti na snagu danom dobijanja sagasnosti Vlade Kantona Sarajevo i objaviće se u „Službenim novinama Kantona Sarajevo“.
- Nakon pribavljanja saglasnosti Vlade Kantona Sarajevo direktor ustanove će sačiniti prečišćeni tekst Pravilnika o unutrašnjoj organizaciji i sistematizaciji radnih mjesta J.U „MES - Međunarodni teatarski festival - Scena MESS“.

## Obrazloženje:

### Pravni osnov:

- Član 27. stav 1. alineja 6. Zakona o ustanovama („Službene novine Kantona Sarajevo“, br. 6/92, 8/93 i 13/94) kojim je propisano da Upravni odbor donosi opšti akt o unutrašnjoj organizaciji i sistematizaciji poslova i druge opšte akte u skladu sa zakonom i pravilima ustanove.
- Član 118. Zakona o radu („Službene novine Federacije Bosne i Hercegovine“ BiH 26/16 i 89/18), a kojim je propisano da Poslodavac donosi i objavljuje pravilnik kojim se uređuju, organizacija rada, sistematizacija radnih mjesta, posebni uvjeti za zasnivanje radnog odnosa i druga pitanja značajna za radnika i poslodavca, u skladu sa zakonom i kolektivnim ugovorom.
- Član 14. stav (4) Zakona o pravima demobiliziranih branilaca i članova njihovih porodica ("Službene novine FBiH", broj: 54/19), a kojim je utvrđeno da su Federalni, kantonalni, gradski organi i općinske službe za upravu i upravne organizacije, javne ustanove i javna preduzeća čiji su osnivači Federacija Bosne i Hercegovine, kanton, grad ili općina, dužni prilikom prijema u radni odnos osigurati prednost licima iz člana 2. ovog zakona. Subjekti iz su dužni u roku od 60 dana od dana stupanja na snagu ovog zakona uskladiti svoje akte i propise i donijeti provedbeni propis kojim se reguliše prednost pri zapošljavanju, na način da se licima iz člana 2. zakona osigura prednost pod jednakim uslovima.
- Član 29. stav (1) i (2) Zakona o pozorišnoj djelatnosti („Službene novine Kantona Sarajevo“ broj: 42/13 - Prečišćeni tekst i 6/16), a kojim je propisano da se unutrašnja organizacija uređuje posebnim pravilnikom kojim se mogu predvidjeti unutrašnje organizacione jedinice, te broj potrebnih pozorišnih umjetnika i drugih djelatnika, kao i sistematizacija poslova. Pravilnik o unutrašnjoj organizaciji i sistematizaciji poslova, za pozorišta čiji je osnivač Kanton, donosi Upravni odbor na prijedlog direktora, odnosno usaglašen prijedlog direktora i umjetničkog direktora, uz obaveznu prethodnu saglasnost Vlade Kantona.
- Član 23. Uredbe o postupku prijema u radni odnos u javnom sektoru na teritoriji Kantona Sarajevo („Službene novine Kantona Sarajevo“, broj: 19/21) a kojim je definisano da su poslodavci su dužni u roku od tri mjeseca od dana stupanja na snagu ove uredbe uskladiti svoje akte sa ovom uredbom i dostaviti ih ministarstvu Kantona Sarajevo u čijem resoru se nalaze, odnosno Vladi Kantona Sarajevo.
- Član 5. stav (3) Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", broj: 37/20) a kojim je utvrđeno da su Institucije u Kantonu Sarajevo, u općim aktima kojima se reguliše zapošljavanje, obavezne pored općih i posebnih kriterija kao jedan od kriterija propisati poštivanje kriterija i vrednovanje iz ove uredbe u roku od 60 dana od stupanja na snagu ove uredbe, a do kada se ova uredba neposredno primjenjuje.
- Član 185. Kolektivnog ugovora za djelatnost kulture u Kantonu Sarajevo ("Službene novine Kantona Sarajevo", broj 52/19 i 5/20), a kojim je predviđena obaveza ustanove da uskladi opće akte sa odredbama Kolektivnog ugovora.
- Članovi 15. i 32. tačka b) Pravila Javne ustanove MES – Međunarodni teatarski festival–Scena MESS, broj: 257/16 od 10.05.2016. godine, a u vezi s članom 10. Odluke o osnivanju Javne ustanove „MES - Međunarodni teatarski festival - Scena MESS“ („Službene novine Kantona Sarajevo“, broj 3/99 – Prečišćeni tekst

i broj 31/07, 1/13 i 28/14), a kojim je propisano da Upravni odbor donosi opće akte MES-a, a opći akt MES-a je Pravilnik o unutrašnjoj organizaciji i sistematizaciji poslova MES-a, uz prethodnu saglasnost Vlade Kantona Sarajevo.

- Član 34. Pravila Javne ustanove MES – Međunarodni teatarski festival–Scena MESS, broj: 257/16 od 10.05.2016. godine, a kojim je predviđeno da se izmjene i dopune općih akata vrše na način na koji su i doneseni.
- Članovi 3. i 4. Pravilnika o sticanju i korištenju akademskih titula, stručnih i naučnih zvanja na visokoškolskim ustanovama na području Kantona Sarajevo („Službene novine Kantona Sarajevo“, broj 50/16), Spisak akademskih titula, stručnih i naučnih zvanja koja se mogu sticati na visokoškolskim ustanovama na području Kantona Sarajevo („Službene novine Kantona Sarajevo“, broj 50/16 i 5/18), a kojim su regulisana sticanje i korištenje akademskih titula, stručnih i naučnih zvanja na visokoškolskim ustanovama na području Kantona Sarajevo.

Razlozi donošenja:

- Usklađivanje Pravilnika o unutrašnjoj organizaciji i sistematizaciji radnih mjesta J.U. „MES - Međunarodni teatarski festival - Scena MESS“ sa odredbama Uredbe o postupku prijema u radni odnos u javnom sektoru na teritoriji Kantona Sarajevo („Službene novine Kantona Sarajevo“, broj: 19/21) i odredbama Kolektivnog ugovora za djelatnost kulture u Kantonu Sarajevo („Službene novine Kantona Sarajevo“ broj: 52/19 i 5/20 ).
- Usaglašavanje Pravilnika o unutrašnjoj organizaciji i sistematizaciji radnih mjesta J.U. „MES - Međunarodni teatarski festival-Scena MESS“ sa odredbama pravnih akata kojima se reguliše prednost pri zapošljavanju i to odredbama Zakona o pravima demobiliziranih branilaca i članova njihovih porodica ("Službene novine FBiH", broj: 54/19) i odredbama Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", broj: 37/20).
- Pokrenuta procedura izmjene Pravila Javne ustanove "MES - Međunarodni teatarski festival- Scena MESS" (broj: 257/16 od 10.05.2016. godine), a kojim će biti definisano da se poslovi u okviru djelokruga MES-a obavljaju u tri Službe i to:
  - a) Samostalna služba Festival MESS;
  - b) Služba Scena MESS;
  - c) Tehničko operativna Služba.
- Uvođenje novih radnih mjesta Stručni saradnik za pravne psolove i Program menadžer u Službi Scena MESS.
- Promjena radnog mjesta Viši stručni saradnik za dokumentovanu građu u Stručni saradnik za dokumentovanu građu.

Uzimajući u obzir gore navedeno Upravni odbor ustanove smatra da bi se sa predloženom novom organizacijom postigla bolja efikasnost u radu, a i bolja ekonomičnost, jer je za voditelje službi, shodno odredbama Kolektivnog ugovora za djelatnost kulture u Kantonu Sarajevo, predviđen niži platni razred i koeficijent za obračun plaće, a što je u skladu sa složenošću poslova radnog mjesta te je shodno navedenom donio odluku kao u dispozitivu.

**PRAVNA POUKA:**

Odluka Upravnog odbora je konačna, a zaštitu prava se može ostvariti kod nadležnog suda.

Sarajevo, 28.12.2021. godine

Broj: 02-XII-847/21

Predsjednica Upravnog odbora:

Leila Hodžić



Dostavljeno:

1x Vlada Kantona Sarajevo

1x Ministarstvo kulture i sporta KS

1x a/a